

ჩაკეტილი ღუეტი...

თბილისი. “ლოკომოტივის” სტადიონი. 27 ივნისი.

“დინამო” (თბილისი) - “ნეფთჩი” (ბაქო) - 1:0 (0:0).

“დინამო”: ურუშაძე, ძოძუაშვილი, ჭელიძე, ხურცილავა, ებრალიძე, პეტრიაშვილი, კუტივაძე (გავაშელი), მაჩაიძე, ყიფიანი, გ. ნოღია, ლ. ნოღია.

“ნეფთჩი”: კრამარენკო, ყულიევი, ბრუხტი, იუმაკულოვი (სტეკოლნიკოვი), მირზოიანი, სემიგლაზოვი, ტუაევი, ლიოგკი, ბანიშევსკი, სმოლნიკოვი (გაჭიევი), შევჩენკო.

მსაჯი: ი. ლუკიანოვი (მოსკოვი).

ღუბლიორები - 1:0 “დინამოს” სასარგებლოდ.

წლევიანდელ ჩემპიონატში ბაქოს “ნეფთჩი” საშიშ ძალად იქცა უმაღლესი ლიგის გუნდებისთვის. ამ ოდესღაც საშუალო გუნდს ასეთი სიძლიერით არ უთამაშია არასოდეს, თუმცა ჰქონდა ისეთი მასშტაბის წარმატებები როგორც III და IV ადგილები 1965 და 1967 წლებში.

ახლა ბაქოელებს კვლავ აქვთ სერიოზული განზრახვა გაიმეორონ იმ პერიოდის მიღწევა და თავის ამ განზრახვას გუნდი საქმიანად ამტკიცებს: იგი გათამაშების დაწყებიდანვე ლიდერთა რიცხვშია, მოიგო 6 მატჩი, გაიტანა 21 ბურთი.

აი, ამ გატანილ ბურთებშია სწორედ “ნეფთჩის” ძალა. ბაქოელთა აქტივი - 21 გოლი, - ყველაზე მეტია უმაღლესი ლიგის გუნდებს შორის, ამიტომ ბაქოელები უნდა მივიჩნიოთ გ. ფედოტოვის პრიზის მოპოვების ერთ-ერთ უმთავრეს პრეტენდენტებად და მათთან შეხვედრისას ყოველ მეტოქეს უნდა ახსოვდეს, რომ უპირველეს ყოვლისა საჭიროა საქმეების მოგვარება დასვენებაში. “ნეფთჩი” ადრე ჩატარებულ შეხვედრებში მხოლოდ ერთხელ წავიდა მინდვრიდან გოლის გაუტანლად. სხვა შემთხვევებში იგი ყოველთვის შედეგიანი იყო.

მაგრამ, სანამ შევეგუებოდეთ ბაქოელთა ასეთი უხვგოლიანობის მიზეზის ახსნას, ერთი კი უნდა ითქვას: “ნეფთჩის” წლევიანდელი წარმატებები უმთავრესად ემყარება საკუთარ მინდორზე ჩატარებულ თამაშებს. თვითონ განსაჯეთ: ბაქოელებმა თბილისში ჩამოსვლამდე გასვლაზე 4 მატჩი ჩაატარეს და მხოლოდ 2 ქულა აიღეს (2 ფრე, 2 წაგება), შინ კი 8 შეხვედრაში 14 ქულა ჩაინერეს (2 ფრე, 6 გამარჯვება), ამდენად, შინაური კედლების ფაქტორი ამ გუნდისთვის პირველხარისხიან მოვლენას წარმოადგენს.

ახლა იმის შესახებ, თუ ვინ განსაზღვრავს და განაპირობებს “ნეფთჩის” მაღალ შედეგიანობას. უმთავრესად, ორი ფორვარდი, სსრ კავშირის I ნაკრების ორი ძირითადი წევრი - ბანიშევსკი და შევჩენკო. იმ 21 გოლიდან, რომლებიც ბაქოელთა “შემოსავალში” ირიცხება, 12 ეკუთვნის ბანიშევსკის და შევჩენკოს (5-6) და, ცხადია, ამ გუნდთან შეხვედრისას ყოველი მონინააღმდეგე უნდა ცდილობდეს პირველ ყოვლისა მოახდინოს მათი ნეიტრალიზება, შეძლოს გადაკეტოს ის საკომუნიკაციო გზები, რომლებიც თამაშის დროს აკავშირებს მთელ კოლექტივს ამ ორი მაღალი კლასის თავდამსხმელთან.

თბილისელებმა ეს შეძლეს და საკმაოდ იოლადაც. როგორც კი დაიწყო თამაში, ნათლად შესამჩნევი შეიქნა, თუ როგორ ეძებდნენ ბაქოელი ფეხბურთელები ბანიშევსკის და შევჩენკოს, როგორ ცდილობდნენ შეექმნათ მათთვის ხელსაყრელ

პოზიციაში ბურთის მიღების შესაძლებლობა. თითქმის ყველა კომბინაციის სათავე საბოლოოდ გამიზნული იყო ასეთი ფინალისთვის, მაგრამ დინამოელთა მცველები მოქმედებდნენ მოთიქრებულად, უშეცდომოდ და, ამასთან, ბაქოელთა შეტევის დუეტი ჩაკეტილ იქნა ისე, რომ საამისოდ არ დაგვჭირდა მაისურებში ხელჩავლებული პერსონალური დარაჯები ბანიშევსკისა და შევჩენკოსთვის. მათი სრული ნეიტრალიზება მოხდა ზონური დაცვის პრინციპით, ისე რომ “დინამოს” უკანა ხაზების მოთამაშეები ყოველთვის თავისუფალნი იყვნენ კონსტრუქციული, შემტევი ბრძოლისთვის.

ამ პირველხარისხოვანი ამოცანის შესრულების შემდეგ ყველაფერი ადგილზე დადგა. თბილისელთა ნახევარდაცვა მდგომარეობის სრული ბატონ-პატრონი შეიქნა შუა მინდორში, თავდამსხმელები უტევდნენ ხშირად, ენერგიულად, მთელი ძალით და ერთადერთი ხინჯი თუ დაგვრჩა ამ მატჩიდან, ესაა მხოლოდ ერთი გოლი და მრავალი გამოუყენებელი შესაძლებლობა, რომლებსაც გაცილებით უფრო დამატარებელი ანგარიში უნდა მოეტანა ჩვენი გუნდისთვის. კარგად ითამაშა ლ. ნოდიაშვილი, რომელიც ეტყობა ფორმაში შედის და კვლავ მოუტანს თავისი ძალის შესაფერის სარგებელს კოლექტივს.

გოლი, რომელმაც გამარჯვება მოუტანა “დინამოს”, გატანილ იქნა მე-60 წუთზე. პეტრიაშვილისგან მიღებული ბურთით ებრაელიძემ საკმაოდ დიდი მანძილი გადალახა შუა მინდორში, საჯარიმო მოედნის ხაზთან მიანოდა გ. ნოდიაშვილი და ამ უკანასკნელმა ძნელი მდგომარეობიდან ძლიერად, ზუსტად დაარტყა კარის შორეულ კუთხეში - 1:0. “ნეფთჩი” დამარცხებულ იქნა.

... გადავხედოთ ცხრილს. რომ ის ყოველად გაუმართლებელი, აბსურდული დამარცხებები არა მოსკოვის “დინამოსთან”, “ფახთაქორთან”, ცსკა-სთან, თბილისის “დინამოს” საუკეთესო სატურნირო მდგომარეობა ექნებოდა! მაგრამ ყველაფერი წინაა, საქმის გამოსწორება ადვილად შეიძლება ჩემპიონატშიც და რაც ახლა ასე მნიშვნელოვანია - თასის გათამაშებაშიც, რომლის მეოთხედფინალურ მატჩში 1 ივლისს მოსკოვის “ტორპედოსთან” თბილისელებმა უნდა აჩვენონ ყველაფერი, რაც კი შეუძლიათ.

რ. ქორიძე.

“ლელო”, 29 ივნისი, 1971 წ.